

國

子

監

志

國子監志卷七十一

藝文志五

應

制進冊 雍正二年

世宗憲皇帝親詣太學禮成恭紀

頌謹序

王頊齡

稽古庠序學校之設皆所以教人倫育人才而
學尤重蓋京師首善之地太學賢士之關四方
觀瞻攸繫是以三代共之以迄於今鼓篋肄業

國子監志

卷七十一

藝文志五
應制進冊

一

禮樂詩書之彥彬彬極盛焉記曰天子視學大
昕鼓徵衆既至乃釋奠於先師漢唐以來每遇
視學既釋奠令講官敷論經義其制更備然則
釋奠以重道講經以勸學誠風化之本太平之
原也我

皇上御極之初萬國咸寧德澤洋溢思溥察吏安民獨賑肆
赦之令屢行於天下崇報

闕里廣勵學校開科廣額之恩有加而無已猶復
宵旰懋勤兢兢業業遵成憲舉鴻儀天人協應上下懽

忻唐虞時雍之治化成周太和之氣象未有盛
於此時者矣雍正二年春二月

躬耕耤田既示敬重民依之至意旋奉

德音以三月吉朔

親詣太學行釋奠禮於是聖賢後裔國子師生在朝王
公卿尹文學侍從之列期門羽林之選莫不恪
共臣職以候

聖天子法駕之至既而陳籩獻爵樂舞升歌維馨之德
孚格於

素王乃

御彝倫堂設經案特舉大學聖經與虞書之十六字
命祭酒司業諸生坐講焉蓋修己治人之道執中精一
之蘊皆我

皇上躬行心得全體大用統具於斯因而推求義興綜
析毫芒使聽者曉然知天德王道卽在民生日
用彝倫之中益信

聖人教天下之仁心如其深切著明也及乎禮成
賜宴賞賚便蕃觀禮之儔咸叨

隆恩異數士心大悅復

頒諭旨宣示成均敦實行勵實學洋洋

聖謨與七曜齊光與六經同揆周禮三德三行之教王

制六禮七教八政之修提綱挈要一以貫之宜

乎大小臣工章縫髦士悚聽服膺踴躍相慶曰

我

皇上一舉一動美善備焉典則昭焉辭臨幸之名致展

謁之敬謙德光也溯孔曾之學統接堯舜之心

傳經學昌也訓士習之端方期英才之實效人

文蔚也廣聖裔之恩榮厚諸生之勸賞惠澤周也光天之下至於海隅蒼生孰不愛戴誠悅祝我

皇上文德誕敷受億萬年景福無疆也哉
日忝廁綸扉
恭逢

盛典幸被壁廡鐘鼓之淳風謹獻頌一篇極知文辭
蕪陋不足仰塵

審覽曷任悚惶其辭曰

帝膺大寶怙冒萬方奉若天道率由舊章懋勤仁政禮

樂農桑。養民於井。造士於庠。泱泱壁水。奕奕宮牆。車服禮器。入室升堂。

帝導師表。源遠流長。崇報功德。膠序為光。月令季春。合樂釋奠。悅見於羹。藟藻可薦。爰

詔禮臣。式循成憲。齊袂寅清。吉蠲朔旦。閭閻晨開。卿雲燦爛。鸞輅時行。龍旗高建。葱珮千官。青衿六館。鵠立鳧趨。觀禮榮忭。崇牙廣業。玉振金聲。爵陳芳醴。樂奏和平。禮容莊敬。

審念精誠。爰

御黃幄百兩屏營講堂春盎几案香凝瑤籤甲乙芸帙

丹青右文

聖教如日昭明講官就席展卷談經道啓唐虞學宗洙
泗至善同歸執中而治精一明新體用全備範
園古今經緯天地詣極高深理原簡易瞻仰我
皇聰明睿智特為顯蒙開幽宣秘共喻微言羣曉大義
橋門環聽鐘鼓旣諧

宸衷怡悅扈蹕徐回

鴻恩大沛嘉宴榮開濟濟鵠鷺懽聲動雷復蒙

綸綽丹闕頌來濯磨士行陶淑人才典謨訓誥

王言大哉芄芃棧樸咸沐栽培瑞靄綢繆甘霖浙滙靜

驗天和實應

主德於樂壁廡霑濡

皇澤泰運常新彝倫修飭

作君作師會極歸極南朔東西向風順則

盛典龐洪輝煌簡策福祿萬年溥天敷錫

頌謹序

勵廷儀

臣聞易書所載道統相傳庖羲神農黃帝開於

前堯舜禹湯文武昌於繼造於

孔子集厥大成與天地相參自生民未有漢唐俎豆

已肇千秋崇祀之儀濂洛師承愈昭萬古斯文

之盛若乃道統治統仔肩一身作君作師膺迪

百世宏茲文教端在

盛朝我

皇上稟聰明睿智之資具文武聖神之德裕忠厚寬仁

之性流剛健篤實之輝禮樂政刑歸本於外王

內聖文章性道推行於老安少懷其道

孔子之道其治五帝三王之治也。迺以不自聖之虛
衷。肇舉自得師之曠典。雍正二年三月初吉。考
臨雍之禮。更詣學之稱志。切景行禮從卑牧大
哉。

王言宜世為天下法者也。於是六龍雷動。萬乘星陳。豹
尾龍旗。向澤宮而夙駕。金根玉輦。憩璧水而停
駢。王公儼恪以爭先。卿尹肅將而恐後。隨鸞侍
從。踴躍鳧趨。教胄儒官。虔共鵠立。執禮典書之
士。環槐市以仰清塵。離經辨志之徒。列杏壇而

迎警蹕時則陽和淑氣舒上日之春風霄漢文
光動晨曦之麗彩東序之宮牆洞啓儀律度於
夏王上庠之鐘鼓高懸挹山龍於虞帝我

皇乃親勞玉趾緩步丹墀周旋自中乎采齊歷級漸登
於文石禮徐行於拜獻樂具奏乎寧平體不憚
勞協乾行於至健心惟主敬申奏假於無言豐
盛遽及乎四科明享兼通於兩廡已竣廟祀旋
蒞經幃俾授几於司成

命開函而進講堂上設具寮之席拱環紫極星躔階前

排內翰之班。儼侍玉皇香案。三千弟子。欽。

御座以仰瞻。億萬都人擁橋門而觀聽。析修齊治平之義。挈領提綱。闡危微精一之辭。探源溯本。

天顏有喜。恩榮徧及千官。

帝澤無私。賞賚尤先五氏。咫尺近光之俊彥。策名卽荷於春闈。三餘勤學之經生。試額永加於秋賦。廣泮水采芹之樂育。自西雍釋菜以推慈。迨旋軫於

闕廷。悉歡歌於遠路。

聖德修而萬民化開千葉之太平師道立而善人多定
八方之會極臣民儀切膺分獻謬廁列卿依函
丈於几筵寡聞舉謠奉

九重之訓誨弼教情深欣

盛事之躬逢竭鄙忱而口誦謹拜手稽首而作頌曰
惟天誕聖惟聖希天道統相承垂千萬年上下
古今

先師至聖惟我

哲皇希風絜盛心源仰接道脈遙通濬茲治本歸於性

功鴻業所基存誠主敬庶績咸熙萬邦表正太平有象教養兼資

躬耕訖事典重

親師季春元辰先期吉卜齊飭嚴恭

聖心之肅曰臨曰幸崇高自嫌更稱定式

聖度之謙殷禮緝儀折旋奠獻協矩符規

聖德之健園橋萬計瞻雲講堂既溫且厲

聖容之莊多士蒸蒸湛恩溥受一體同仁

聖恩之厚育才增額丕煥

國二
月
一
一
應
制
進
士
綸音學徒競勸

聖澤之深六合一家萬幾一日首務崇儒

聖修之密學要至善道在執中

皇極欽敷

聖治之隆一事舉行兼該衆美史冊大書流芳億紀覆

幃持載祖述憲章

聖功益懋

帝道光昌

頌謹序

張廷玉

欽惟我

皇上聰明睿智文武聖神作君作師統臨萬國以繼天
立極之功興道致治以躬行實踐之德覺世牖
民

寶歷初元首頌

諭旨崇奉

先聖追封五代王爵曠典聿新振古未有更

念太學為王化之原釋奠尊經臨雍講道虞夏商周之
制詳見於戴記周官五帝三王所以茂登上理

人才盛而風俗同者胥由於此爰

敕禮臣稽考典制諏日具儀於雍正二年春三月乙亥
之朔

皇帝整法駕從百官駐輦橋門

躬親展祀愬誠昭格禮備樂和乃

御彝倫堂

命儒臣進講大學虞書復宣

聖訓崇獎儒先嘉惠多士

恩施溥博文命覃敷一時扈從諸臣以暨四氏子孫六

館學徒凡與觀聽靡弗鼓舞惟忭竊惟鎬京辟
雍魯侯泮水皆揚之風雅焜燿簡編

聖天子道德高深大禮光著是宜紀述美盛昭示無窮
臣叨列六卿兼掌翰苑

駕詣成均恭與分獻職當率先作為歌詩揚厲萬一況
日蒙被殊遇日侍

內廷伏覩

皇上宵旰勤勞勵精庶政孜孜典學日新又新無念不
誠無事不敬

聖功之密

聖德之純實有以接精一之傳握明新之要用建作君
作師之極而綿

國家文明之運於億萬斯年臣不勝踴躍忭舞之
至謹拜手稽首獻頌曰

繫古聖神首出庶物開天明道聿彰治術三五
相承是繼是述千載心傳其源則一疊疊我

皇紹膺寶命治協勳華道符

孔孟勸學隆師褒崇

先聖風教之行

一人表正王封晉錫祀事孔明大昕鼓衆殷禮肇稱有

穆

聖容端拜於廷百官宗廟玉振金聲

黼座載升經筵已備明新之學精一所寄匪口斯陳惟
心是契闡厥微言以宏至治羽翼聖道代不數
賢從祀錄後母缺母偏宏敷經義是習是傳廣
勵孝秀是陶是甄僣僣胄子藹藹儒林母或自
棄聖凡同心母或自恣聖罔不欽

帝有明訓日月照臨惟我

聖皇以身作則夙夜緝熙克明峻德

聖敬日躋至誠無息蕩蕩平平永建

皇極薄海向風多士濟濟郁郁彬彬雲蒸霞起

景運有融太和在宇於萬斯年教澤斯溥

詩謹序

朱軾

皇帝御極之二年太和翔洽四方風動凡諸大典次第

舉行先以元辰

躬耕藉田復於三月朔日

駕詣大學釋奠禮成迺

御彝倫堂

命司成進講大學尚書經義隨

頒諭旨釐正兩廡祀典錄先賢後裔並廣生童試額

殊榮異數五古未有圓橋門而觀聽者萬人無不懽呼

動地易曰飛龍在天利見大人又曰雲從龍風

從虎聖人作而萬物覩書曰命汝典樂教胄子

八音克諧無相奪倫神人以和又曰予擊石拊

石百獸率舞詩曰於論鼓鐘於樂辟廱又曰自

西自東自南自北無思不服禮曰君子化民成
俗其必由學又曰近者悅服而遠者懷之皆言
聖德之章以身示教斯聖化之盛不介而孚也
我

皇上治協唐虞道隆洙泗於

臨御之初卽追封

孔子五代竝

錫王爵興賢籲俊之典連茹彙征

臨雍講學盡域盡敬以

皇躬為天下先崇儒右文無以復加薄海內外翕然從
風猗歟休哉何遇之隆也臣賦忝列侍從瞻仰
盛禮欣榮無極恭賦五言十律進呈

御覽

臣賦

無任懼忭之至

天肇文明運

堯年化日舒時當三月朔載駕

六龍興禮肅

躬耕後心嚴釋奠初

臨雍彰至教八表會車書其一

鐘動曉星開

宸居闢九關。旌旗森豹仗。冠帶矗鸞班。麗日輝

龍袞。春風識

聖顏。諸生迎

法駕。嵩祝杏林間。其二

天容嚴肅穆

駐輦入膠宮。遠亘羅瓊席。蕭韶震碧空。道原千古合

聖自兩心通。芹藻馨無極。誠餘裸獻中。其三

睿識逾千聖

恩綸賁九重。尼山推祖德。闕里竝王封。銘鼎膺珪瓚。麟

書

錫袞龍乍看欣。俎豆百世耀儒宗。其四

命講欣前席。儒臣傍

袞衣。明新參本末。精一辨危微。大道如天闕。傳心竝日

暉

君師皆一貫。學統倍增輝。其五

先儒從廟祀。歷世鮮平衡。此日承

天語。千秋有定評。經壇春雨潤。道岸晚雲明。得借

恩光賁。遽登萬倍榮。其六

上公膺禮重。五代沐

恩深。

詔復求賢裔。官仍入翰林。先疇均世祿。舊德煥華簪。萬

古誰能竝。

崇儒無限心。其七

多士得觀光。青衿肅拜颺。

特寬三選格。尤重五經箱。宿學資淹雅。童年擢茂良。萬

方需。

聖澤雲漢倬天章其八

日侍

鸞坡下欣承化雨偏

聖慈垂博約愚昧仰

高堅洙泗文章備虞周禮樂全小臣欽

睿學多士管窺天其九

至德竝洪鈞細經見化醇用中歸有極以道覺斯民俗

善胥還古風和總是春從今千萬載

聖教迴無垠其十

詩謹序

史貽直

竊聞惟皇建極敷彝訓於寰區惟聖作人煥天
章於雲漢繼樹藝而立教學校初開資典胄以
永言成均肇啓上庠東序虞夏同符右學膠宮
殷周合轍詩書禮樂四術四教所由興仁義中
和三行三德所由著上丁習舞爰修釋菜之文
重席橫經乃展隆儒之禮崇百王之軌範彝倫
叙而民俗加淳表萬國之觀瞻德化宣而士風
益茂欽惟我

皇上乾元合德離照升輝祖述憲章文思廣運顯謨承烈聲教誕敷當

膺圖秉錄之初振緯地經天之業為教為養情載萬方作君作師忻懽六合崇報特加於

闕里湛恩大沛於制科猶復上厓

宸表式遵成憲京師首善之地宜肅規模大學賢士之關亟須鼓舞

聖不自聖昭精神之見於羹牆

謙以益謙辭臨幸之名於壁沼季春令序月朔昌辰鳳

蓋高飛祥曦照耀龍旗遙泣瑞露潯瀛重道宏
規丕煥成賢之里咸平嘉樂升歌習禮之庭既
釋奠於

先師遂鼓徵乎多士時則千官鵠立百爾鳧趨宗伯
傳

制以屏營司成執經而儼恪焜煌講案奎垣壁府之輝
璀璨瑤函日珥星鈞之采闡內聖外王之妙蘊
擴堯咨舜徵之淵懷修齊治平綱領總歸於至
善危微精一心傳契合於執中就日瞻雲莫非

有造金聲玉振允集大成教嚴而觀聽圓橋度
成而光華載道巍班聖裔邀

寵賚之便蕃五氏子孫叨

榮施之優渥鴻都虎觀成鼓篋以霑

恩期門羽林亦歌風而沐澤於是

綸音申勸玉律昭宣五典五惓務潛修而實踐十經十

緯期幼學而壯行大哉

王言莫罄臯夔之颺拜凜然

聖訓奚容游夏之贊辭南朔東西悅服於三廟鐘鼓文

章性道肅聞於萬仞宮牆臣等技拙雕蟲誠慚
窺豹乏班固摘華之賦染翰逡巡漣桓榮講藝
之長編蒲匭勉

隆儀幸親攬芹藻以知榮

盛典欣逢隨章縫而益善敬摭微悃恭紀

鴻猷乃拜手稽首而獻詩曰

聖主當陽典禮新東郊耕後

涖成均青壇澤徧深如海璧水歡騰盛似春
淑日又看

逢吉亥啓行恰喜占芳辰集賢門外三千士紅

燭光中望

紫宸 其一

雲開閭闔珮聲長。仙仗爭迎曉日光。虎旅雍容
嫺禮樂。鸞旗縹緲映文章。青袍道左瞻

天近。碧藻池邊傍

輦香。自是

聖朝修盛舉。千秋晤對儼同堂。其二

笙鏞迭奏叶金絲。正是升堂展禮時。百職階前
依豹尾。

九重天上進難彙。蒼麟毓秀畱符瑞。白馬傳家邈本支。

五代王封崇德遠。一番俎豆煥新祠。其三

祀事初成瑞氣和。

鑒興又向講堂過。談經舊列東西案。傾聽新添甲乙科。

日繞龍鱗

天肅穆風清槐蔭影婆娑。橋門環視如何限。不數當年

億萬多。其四

道從堯舜泊文宣。如日光輝正麗天。格致修齊

端治本。危微精一契心源。學分綱目功原備。業

在敷華蘊已全。緇儿從容聽講畢。

恩綸早見出經筵。其五

教養恩深未有涯。官階特向聖門加。諸生飽啖
官廚餅。侍從香分上品茶。東觀崇經開蕊榜。西
雖選俊啓仙槎。無邊化雨天人洽。三日甘霖偏
萬家。其六

賦謹序

汪澄

欽惟

皇上奉

天道以出治作君作師觀人文以化成既富既教周情孔思千秋接統緒之傳玉振金聲

一人建中和之極天根月窟探理學之精微雲爛日華
啓文明之運會由是梯山航海咸游禮樂之場
極之東鰈西鷁盡入詩書之府勞來輔翼如親
教澤於伊耆寬粟直溫儼荷甄陶於瀉水追封
素王五代本

聖主重道之心

昭揭孝經一篇洽宇內同風之化既已果行育德盡跡

迪之良規猶

思講學崇師

示振興之至意爰於竊月之元辰肇舉

臨雍之盛典

升崇階而展禮雲統緇帷

涖講席以談經先生縹帙臣珥筆西清扈游東序乏模

天之藻麗鼓吹休明竭向日之葵忱導揚盛美

竊取六義而為賦用敢九拜以陳辭曰

古聖王之御宇也咸以文治而致昇平故頌放

勅曰文思稱重華曰文明馴六服於禮讓靖四海之兵刑厥猷敷於五典其道備乎六經列聖傳而弗替

孔子集其大成耀千載之朗炬垂百世之儀型歷漢唐而尊奉究至德之難名若麗天之二曜譬懸象之五星開賢關而躋聖域建學校而設庠黌斯化民之道大而造士之功宏維我

皇之膺圖邁周文之郁郁暉八紘之金鏡撫五辰於玉燭迪九德而翕受敷施開四門而達聰明目誠

不息而乾乾敬緝熙而穆穆順休命則象為大有懿文德則取諸小畜

念崇儒斯六合歸仁惟典學乃萬方錫福俾是訓而是行遂爰究而爰度上之率乎下也將鼓之捷下之化於上也風草之速諏吉日而

詣辟雍興秩節而開講幄非徒侈園橋之觀聽蓋將以移風而易俗是日也祥雲綏甦旭日瞳眈萬象映朝華之鏡九旗飄明庶之風壁沼澄泓統勾陳之羽衛槐街清蔭列上舍之章縫虎闥晨啓

講肆春融鳴鸞和之嘖嘖奏鼙鼓之逢逢樂人
宿懸於階下舞師振萬於庭中設崇牙而樹羽
發鯨魚而鏗鐘

皇躬親而薦獻洵德盛而禮恭奠蘋蘩之修潔備儀度
之雍容式鴻規於多士率祇敬於羣工祀事竣
講筵啓禮官進簡近侍授几宣第一章之聖籍
廓治平之宏模衍十六字之心傳闡危微之宗
旨正心誠意

皇猷必本於聖功精一執中達用莫先於明體開丹書

於瓊笈道擬傳薪酌翠茗於銀甕

恩踰賜醴儒臣師師俊髦濟濟委珮垂紳彩纓載緹奕
奕增輝彬彬有斐莫不聽

彝訓而神悚瞻隆儀而心企逮

鑒與之返蹕遂減澤之宏敷既

溥恩於俊造更加意於先儒稽宜配而已祧復興祀之

如初或酌定於新增務名實之允符凡後裔之

未恤補博士於石渠廣采芹以游泮俾思奮於

天衢擴士路之進階益蒞榜於賢書凡此菁莪

之化。悉仰薪楨之儲。爾乃宴以示惠。下之慈。齊
以展育賢之能。

寵降匪頒

昭垂典訓。大禮告成。儒風丕振。制軼殷周。道同堯舜。訖
聲教於遐陬。返敦龐於先進。朝布嘉猷。野無遺
俊。躋斯世於邕隆。播休風而大順。臣仰覩
乾行。恭逢泰運。聆雅奏之九成。循宮牆之數仞。聖人之
道。可得而聞。

天子之光。於斯為近。敬載筆而摛文。信揄揚之莫盡。

詩經序

覺羅逢泰

欽惟我

皇上心涵覆載道繼顯承作君作師自生民而未有建
極錫極與天地以相參洵哉集羣聖之大成允
矣邁百王而首出顧以言六藝者必折衷於
孔子行九經者必取法乎

先師爰

命秩宗考臨雍之舊典先傳

詔旨更詣學之謙稱序屬春三時當月朔備森嚴之

法駕羽衛星陳。跂巍峻之宮牆。壁池日耀。芝蓋飛而采

霞起。

鑾輿度而清風翔。禮終三獻。肸鬯俱歆。樂奏九成。駿奔
皆肅。已竣廟禮。爰蒞講堂。首列聖經。次陳舜命。
蓋億萬年之學術。不越修齊治平。而十六字之
心傳。惟此危微精一。敷陳曉暢。宣布光昭。

帝澤無私。溥錫官廚之珍味。

天顏有喜。旋頒闈額之渙綸。士仰

九重樂育之恩。道開萬世太平之治。臣幸參法從欣大

禮之告成。叨列講帷。慶隆儀之得與。敬陳俚句。
少展葵忱。

道法綜千聖。

君師統萬方。

臨雍傳異命。

詣學表謙光。鍾鼓陳東序。松槐夾上庠。秩宗司典禮。樂

正考彝章。

鳳輦移丹陛。鸞書下紫閣。四門邀

法駕。數仞望宮牆。

天步規衡叶臣寮創珮鏘恪恭三獻凜肅穆一誠將盥

享孚禋祀經帷設廟堂太和形

色笑篤敬表顙叩當

宸橫綈几開函拭縹囊治源通泗水心學溯陶唐萬象

歸皇極千官捧

御牀微言宣底蘊大旨闡康莊簡易公卿坐趨蹌弟子

行共承

天視聽密邇

帝衣裳大訓蒙宣讀奇珍獲拜嘗已叨

君貺厚益感

聖謨洋墨榜寬登進青衿擴選良肯容采摘棄偏用網
羅張文教漸沙塞儒風被海疆育才騰

渙汗重道挈

乾綱虞舜聰方達周文食不遑小臣遭

盛典拜手效賡颺

頌謹序

蔡世遠

粵若我

昭代說膺天命撫臨萬方垂光錫祚右文典學昭灼涵

熙東西朔南罔不暨訖

皇帝繼承鴻庥明哲作則帝王師儒之道萃之一身天下懷德秉義博聞有道術者莫不近文章砥礪廉隅爭自奮於

聖人之世皇哉中天之景象也

皇帝重念尊師講道謁聖崇儒風示天下莫怠於此雍正二年春三月乙亥朔

天子乃盛法服建龍旂蹕清路嘖和鸞

躬詣太學大昕鼓徵淵淵皇皇釋奠於

先師禮成

御彝倫堂講明德新民之經精一執中之旨厥彰厥微
既繹既闡王公卿尹侍從之臣聖孫賢裔暨厥
肄業成均之士各二千有餘人咸侍日月之旁
飲聞至德

天子乃頒綸綍廣崇聖之配隆褒德之典傳經之彥衛
道之儒孰已退而宜祀孰未入而宜增昇平日
久向學蔚蒸擴博士弟子員之額加五經孝秀
之升德化洋溢教澤大洽近光之士八表之遙

龐眉童稚莫不延頸企踵鼓舞懽愉曰

聖人首出天下文明此其時也粵稽唐虞典樂有教米

廩有庠五典有惇直溫寬栗剛簡迪於厥中時
則四方風動萬世永賴亦越周文壺壺翼翼雖
雖肅肅靈臺辟雍其典則隆其意備美故其詩
曰肆成人有德小子有造古之人無數譽髦斯
士惟無默然後能使斯士奮興故其詩曰文王
有聲遠駿有聲又曰濟濟多士文王以言文
王作人之效而賢才之為國家寶也爰及武王

陳書敬勝訪範叙倫師氏以德教國子保氏養國子以道大司樂以成均之法治建國之學政曰中和祇庸孝友故其詩曰鎬京辟雍自西自東自南自北無思不服無思不服者服之至也長育有法王心有加故服之者亦報以心也我皇上孝以事親誠以馭物仁以恤下推心以用賢多方以訓士所以豫養獎勸漸摩成就之者靡不曲盡故能使近悅遠懷奔走忭躍一至於此駕成周而軼有虞漢帝圓橋之聽唐宗建學之盛宋

代三舍之規史氏所誇又烏足云哉臣世遠備
員講讀躬逢盛事揚扆有懷忘其鄙謏謹再拜
稽首獻頌曰

帝德廣運表正萬邦文同有截化溥無疆金樞丹穴若
木扶桑光華所燭錫極陳常聲靈炳彪於斯尤
盛五緯集祥九州無競迺稽古制迺溯道宗敷
學之本伊維辟雍駟孟有言後先一揆
夫子之道我

皇齊軌如月印川圓暉不濇如日中天萬世同晷體厥

大成誕敷寓牒。息息相符。冀牆若見。二載季春。
朔日既練。遂

詣寢楹。含菜初奠。笙頌兩啓。其鐘在南。樂具奏止。事以
在三尊師訪道。罄折是甘。

皇之冲德。海負淵涵。迺

御彝倫。橫經講義。菽粟為膏。布帛為貴。曰維大學。曰明
曰新。克止至善。天下平均。曰維聖心。傳十六字。
危微之幾。誠則無事。

皇建厥中。一而不一。錫厥庶民。惟中是視。臣工生徒百

千其偶亦有聖嗣率彼賢後圓橋觀聽有孚盈
缶渙若冰釋肅若拱斗緬從洙泗粵若放勳聖
聖則同治教攸分肆我

皇上為師為君丕宏厥緒咸秩其文既祠

崇聖錫厥王封兩廡羣儒亦折其中如衡之平得禮
之義升進廣崇毋失其類煥我宮牆教道扶樹
朝陽生梧南山騰霧弟子議增經生復故翁其
從風九閭湛露皇矣

帝德於穆昭融跨虞軼周巍巍崇崇天降時雨滂沛沖

融化澤所協以兆年豐威加鹿塞玉門輜弓止
戈為武在泮之功小臣多幸際茲

昌辰而目斯擊而身斯親懿我

皇上受福無垠於萬斯年保佑天中

國子監志卷七十二

藝文志六

應

制進冊 雍正二年

詩 謹序

彭維新

臣聞作君作師。盛德建中和之極。是則是做。秀
民被陶淑之風。溯道統之端倪。天開一畫。衍心
傳之蘊奧。功在六經。惟聖人垂教化於來茲。惟
聖人契淵源於往昔。蓋尼山振鐸。克集唐虞夏商之大

成而璧水停

鑒。玉昭禮樂詩書之至治。儒風振奮。

景運焜煌。大道愈極昌隆。典禮實為超軼。橋門慶洽。
化日舒長。膠序光搖。

天文輝映。欽惟我

皇上德全仁智。學徹天人。本中正以經綸。懋敬勤於宥
密。明新至善。王道原於聖功。精一執中。心法彰
為治統。萬幾總攬。甫

御極而愷澤殷流。庶績咸熙。方踰年而大禮遞舉。无宏

乾坤之覆育。造士卽踵於勸農。炳日月之照臨。
崇經正所以宗

聖。

天懷謙抑。釐更

詣學之名。

帝道光明。備展

先師之禮。宮牆徧煥。籩豆聿新。玉珮垂垂。千官扈從。
青衿濟濟。多士趨蹌。感百獸舞而肅拜。廣庭無
思不服。值四門闢而仰瞻。

天表有喜皆知。大布

絲綸。宏敷滅澤。應試者纖長。獲採。修德者片善必彰。

賜食徧及於單寒。銜

恩羣矢於夙夜。

聖人作而萬物睹。就日爭先。賢才出而百度昭。輸忠恐

後。和風淡蕩。縹緲鑪煙。麗日融熙。晶熒

仙仗。

盛事永光夫史策。

殊恩迴邁乎漢唐。臣草木無知。遭逢有幸。獲備員於趨

走。叨逾分之光榮。仰覲

天顏。瞻依咫尺。欽承

聖教。啓牖顓蒙。

宸衷闡析精微。均發簡篇之所未發。

御筆增刪辭義。獲聞疇昔之所未聞。悚懼執經。兢惶拜

賜。敬陳歌詠。思紀典制之崇闕。愧乏文辭。莫罄頌揚於

毫末。惟勵傾葵之素。謹凜虞庠之

訓辭。共鼓篋之儔。沐浴

堯天之雨露云爾。

日華雲爛水朝宗。弦誦文儒萃辟廱。千古
素王翔綵鳳。

九霄青帝駕蒼龍。

宸心默契通洙泗。至道滋榮視檜松。芹藻芬芳牲幣肅。

儒林雨露勝春濃。其一

高棟飛簷數仞牆。良辰

袞黼薦馨香。性天一貫

心源合。

睿聖齋誠學統光。冠珮盈庭觀禮樂。旌旗夾道煥文章。

從知奎壁頻呈象。率土咸歌

景運長。其二

御座垂衣六合清。太平洋溢奏咸英。煌煌扈

聖中朝士。濟濟瞻

天太學生。癸命重申綿泰運。乾行值甲煥離明。泮池此

日

恩波潤。

文德宏敷雨洗兵。其三

三春萬物向榮時。更荷

高穹雨露滋。初覲

天顏霑

渥澤。恭聆

聖誨釋繁疑。雲霄幸傍鑪煙近。拜舞頻瞻

睿藻垂。自顧愚庸無報稱。惟抒精白答

昌期。其四

頌謹序

俞兆晟

臣聞乾坤定位。參之者人也。流品異質。成之者
聖也。聖人既生。欲天下之民咸親其親。長其長。

資忠而履信。敦本而務實。於是立學校。聯師儒。使翱翔於詩書禮樂之途。以復其仁義禮智之性。光天之下。郁郁彬彬。始於一家。達於四海。推之後世而不可紀極。蓋唐虞三代。羣聖繼作。及於

孔子而為集大成也。

孔子至今又二千餘年矣。林林總總之儔。日用飲食而不知所以進德。天於此篤生我

聖主。以接堯舜之心傳。闡洙泗之秘奧。

聖與聖相繼。為萬世正學術。為羣生發顛蒙。煌哉煒哉。
固統高卑。亙古今而莫婉者矣。乃我

皇上德韞苞符。心涵太極。文明麗乎日月。聲教訖於垓
垓。而猶惟幾惟康。以勅天命。曰明曰旦。以慎身
修。政治洽於寅朝。丹黃勤於丙夜。蓋

聖心所履念者民也。所隆禮者士也。正月之吉。祈穀於
上帝。仲春行耕耤禮。

玉輅青旗。朱紱黛耜。皆為民而出也。農政既修。文教斯
舉。我

皇若曰。士之力學。猶農之力田。必修禮以耕之。陳義以種之。講學以耨之。顧風行而草斯偃。上率而下斯從。欲欽

至聖以樹之型而立之範。其在太學乎。先是

皇上以至孝錫類立

崇聖祠。祀叔梁氏以上五代。隆以王爵。春秋俎豆。有加禮焉。漢唐以來。未之前聞也。至是復

詔冬官。飭名材。丹雘堅茨。以新聖域。喬皇巨麗。告厥成功。太史揆日。禮臣具儀。

天子將備法駕。臨雍講學。進天下於文治焉。季春之初。
日在大梁。

九重致齋。極誠極敬。迺建霓旌。張羽蓋。雲罕日旂。續續
紛紛。千官忭集。多士景從。銀潢蘭渚之派。重金
兼紫之老。鳴玉珥彤之彥。翔鸞翥鳳之英。莫不
雍雍濟濟。魚魚雅雅。望

屬車而至止焉。

皇上却輦勿御。入廟益虔。既盥既薦。韶謦間作。奏咸和
之樂。擊大昕之鼓。蕭薌炳天。雲成五采。奎壁煥

其光華。芹藻漾其麗澤。迺移

清蹕。迺

御講筵。開彝倫之堂。

命講官列坐。發危微精一之傳。明修齊治平之要。主極於是乎端。師教於是乎切。抉幽洞微。為世準的。時則圓橋門而觀聽者。咸差肩而鵲立。心開而目明。欣欣然。蒸蒸然。不知其幾千萬人也。

恩綸聿宣。中外慶幸。羽翼經傳者。光前而裕後。醞釀道德者。拾級而梯榮。蓋將進喬松為棟梁。而不令

遺幽蘭於巖谷也。

皇仁如天。并包無外。

皇心如日。照燭靡遺。大禮之成如此。

汪澤之加如彼。洵乎稽史冊而獨盛。溯鴻濛而卓絕者。

也。小臣蒙

恩分校鄉閭。既竣事。復聞巨典肇舉。私心慕悅。竊觀春

秋而降。自漢高以太牢祀

孔子。而天下始知有尊崇聖人之道。厥後英君誼辟。

代有盛儀。若夫幸太學。御講堂。命師儒。陳說經

義。則唐之貞觀。開元。宋之端拱。咸寧。天聖。元祐。稱爲最著。然或實意未盡乎。德澤不下究。非當時之君之不計及此也。蓋天未嘗以道統之傳。屬之一人。則亦規規於故事而已。詎若我

皇上貫三才。統百王。備四德而乘乾。敬五事而作聖。今之堯舜。卽今之

孔子也。是則

皇上之推崇

孔子。固發乎誠。通乎微。自有默契焉者。夫豈可以迹

求而臆測也哉。故聖教修明。至盛也。典禮畢備。至隆也。先後一揆。至神也。湛恩厯鴻。至渥也。敷天之下。率土之濱。懷文抱質之士。如被陽和於嚴冬。潤甘雨於槁葉。莫不含英咀華。思欲宣揚聖德。臣備員禁近。何敢以弁陋辭。謹拜手稽首而獻頌曰。

惟天生物。惟聖承天。惇庸秩叙。五教敷宣。誰其修明。

素王出焉。青麟繡紱。泗水尼山。自漢欽慕。歷唐與宋。

哲后疊興。師儒首重。九獻八佾。虹梁螭拱。雅化流行。津津絃誦。我

皇受命。天亶聰明。學綜千聖。道集大成。包涵六籍。教育羣生。履仁蹈義。玉振金聲。

宣聖心傳。我

皇專屬。錫類尋源。追維公族。五代貽封。賓王如續。二千餘年。

殊恩稱獨。乃

命匠石。載葺成均。梁栢棟牖。丹雘鱗皴。宮牆萬仞。檜柏

千尋巍巍燿燿。勢接青昊。維暮之春。日月會朔。
天子乃齋。有事大學。曰誠與敬。上通遼廓。入廟而趨。

翠華前却。鐘懸具設。俎豆維馨。

穆穆在上。濟濟在庭。進退作止。虔恪和寧。我

皇盛德。

至聖格歆。既灌拒鬯。爰敷講席。

天顏霽溫。左右儼翼。道闡明新。理研精一。橋門衣冠。圓

聽屏息。煌煌鉅典。浩浩

新恩。儒林苗裔。賢哲本根。華筵絡繹。芹藻紛繁。皆經

睿慮宣暢

王綸自此廣輪。人材拔萃。舟楫棟梁。昌時大備。陶之淑之。我

皇之惠。四海同風。詩書足貴。迺知

天意。重念人羣。賢愚異轍。至理常存。

聖人首出。重煥斯文。崇儒講學。名教永敦。於鑠我

皇。超前軼後。作君作師。光昭宇宙。皞皞熙熙。風恬俗厚。

亶畀景福。

天子萬壽。

詩

寶啓瑛

聖主崇文德。

鑒興發日邊。三雍開治象。萬國仰中天。鶴蓋承高露。

鸞旗拂瑞煙。大昕嚴鼓動。昧爽禁鐘宣。

鳳闕駕行引。

龍墀羽騎駢。泰階當赤道。義馭繞珠躔。冠冕星辰耀。

衣裳藻火鮮。雨師清廣路。風伯靜鳴鳶。峨嵋宮

牆峻。漣漪壁水圓。馨香陳俎豆。肥腴備牲牷。灌

獻神如在。瞻依禮特虔。

榮袞光五葉。曠典邁千年。致敬高前古。推

恩裕後賢。孔門欣接武。四氏儼隨肩。鬱壘調圭瓚。蕭薌

燭几筵。九成珠累累。八羽鷺翩翩。共覩陳牲幣。

還瞻

御簡編。明新彰道術。精一契心傳。

黼座敷陳切。橋門視聽專。微言能遠紹。王道樂無偏。稽
古良如此。觀光豈偶然。

皇情含悅豫。講席慶周旋。鉅典誠昭矣。

隆施更沛焉。瑤階張翠幄。仙茗泛瑤泉。桂苑新英茁。芹

宮瑞靄連。百僚齊虎拜。六館賀鸞還。

睿藻雲霞麗。

天文日月懸。

九重敷雨露。多士荷陶甄。

濬哲欽

皇極。栽培仰化權。欣逢

文運泰。恭進紀

恩篇。

詩

伊爾敦

文明開晉盡。曠典值

臨雍。重道先洙泗。崇儒首辟廱。旗飄雲綬。佩委玉璫。
瑤。共仰奎光麗。欣看瑞靄濃。芹香紫藻采。鼉鼓
間金鏞。登降威儀肅。趨蹌禮數恭。几筵昭鑒格。
棧樸望陶鎔。講幄陳鴻訓。鵷班倍恪共。圓橋繞
濟濟。

端冕正融融。平治功原懋。危微理本庸。師儒資啓沃。多
士慶遭逢。舊德優三老。新綸沛
九重。褒崇逾漢帝。增廣邁唐宗。盛事邀

榮寵承

恩大小從

詩

錢陳羣

皇帝御極之二載。大禮畢舉。何煌煌。天不愛道。地呈瑞。
卿雲紉綬。羅文昌。農嬉於野。勤率作。多士濟濟。
來膠庠。仲春二月。祀先農。

躬耕五耜。禮則臧。勾龍司權。布德澤。立沛膏雨。沾八荒。
帝曰。教養其竝重。養先於教。亦有常。江河行地。道不息。
千載契合。遙相望。心傳至理。蘊精一。上溯堯舜。

中禹湯。歷文繼武。道益顯。金聲玉振。毓
素王。後來賢哲。代不乏。盈庭議論。多表章。或隆名號。
或逮後。追尊所自。或未詳。我

皇崇

聖

聖崇祖。祀事備。展烝與嘗。王以五代邁。蒲穀。木金父。
下及叔梁。爰諏吉日。視太學。精神直證。莫與牆。
禮臣盥手。陳舊制。

帝曰。臨幸非所當。易幸為詣。著為令。

聖德以謙而彌光。金根映日天衢淨。魚鬚豹尾紛翱翔。
蒼螭白虎引兩導。彩霞五色護中央。百辟卿士
各儼列。

一人穆穆祇肅將。工奏九獻就黃幄。大昕伐鼓集講堂。
諸生跪起鱗次立。經筵唱徹捧

天章。曰聖有經帝有典。提樞挈要

謨洋洋。橋門得瞻

雲日表。共傳朝旭升當陽。惟天不言

聖恭默。時行物生何可量。

恩流臣下渥湛露。以次拜受大官漿。禮成

驚輅迴閭闔。復

頒上食及秀良。明朝蒲伏謝

闕下。

天子端拱垂衣裳。太平坐致道久長。神芝煜煜生齋房。
鬚髯斯士禮樂場。菁莪棫樸金玉相。我文誕敷
我武揚。玉帛恐後來萬方。

詩

徐本

聖主垂裳日。崇儒禮最先。敷文光溥被。建極道無偏。泗

水源流遠。

尼山統緒綿。褒封隆爵秩。追祀備絃綖。首善風聲樹。成均雅化宣。尊

師勞

法駕。視學列班聯。東魯諸生集。陽春吉日鐫。瑞徵奠一葉。暖趁柳初眠。銀闕千門曉。璿霄萬騎閒。卿雲晴護

輦。朝旭彩浮旃。丹鳳城迢遞。青槐市鬱芊。上公隨振鷺。扈從冕高蟬。簪佩迎

鑒肅。圭璋執事度。兩楹陳法器。八佾應宮懸。綈盎金莖
露。瓊鑪寶篆煙。炳蕭通肸鬯。酌鬯達淵泉。鹽薦
手。駟若羹牆恍見馬。講堂

黃幄啓。

御座紫微連。咫尺垂

清問。敷揚闡妙詮。儀曹持案進。祭酒執經前。縹笈緗文
錦。瑤函白玉編。治平功有序。精一理徐研。德是
新民本。中為作聖傳。庶僚咸陞立。羣俊盡橋圓。
士氣懽無地。

溫綸降自天。大官傳

賜食。少府出

頒錢。俎豆升前哲。冠裳逮後賢。賓興歌道跡。論秀慶隨

肩。兩序增唐舍。三雍廣漢員。羣倫蒙雨露。舉世

荷陶甄。

帝範丹青炳。

皇言琬琰鐫。儒風宏海宇。德教浹埃垠。象協三階正。時

成六位全。璣衡調鳳曆。奎壁映龍躔。拜舞陪駕

列。賡揚拂彩箋。摠辭忱莫罄。惟頌萬斯年。

詩

勸宗萬

觀光先上國。首善自京師。設教由來重。斯文儼
在茲。我

皇躬聖德。稽古及昌期。既舉

親耕禮。旋修

視學儀。大昕宣戒鼓。清道肅揚旗。噦噦鸞聲動。莘莘

子隨。松楹瞻美奐。柏寢望歲。韌。

玉趾登階城。香芹薦鼎彝。專誠初奠幣。分獻各陳卮。籥

舞徵周侑。笙歌叶后夔。景行紆紫紱。咫尺近綈

帷移

羣儒臣從。

升堂講幄披。明新揚妙理。精一闡微辭。恍聽虞廷石。疑

聞孔壁絲。鱣廳齊拜手。虎旅竝揚眉。更播

如綸語。均霑湛露滋。鹿鳴添雅吹。鵬化溢天池。

典訓星辰燦。

宸章日月垂。金鑪宣未已。木鐸盛於斯。南北東西化。詩

書禮樂規。洵同豐鎬日。全勝永平時。性命通三

極。聲明浹四陲。大成今克紹。正學自無歧。忝預

園橋列。恭吟棧樸詩。

頌謹序

楊椿

上御極之二年三月乙亥朔。

親詣大學行禮。

命祭酒司業。坐講大學尚書於彝倫堂。

上親臨聽焉。既講。進諸生而

諭之。明道術。崇化源也。臣伏思詩大雅文王有聲之六

章曰。鎬京辟廂。自西自東。自南自北。無思不服。

二章云。文王受命。有此武功。魯頌泮水曰。既作

泮宮。淮夷攸服。矯矯虎臣。在泮獻馘。今

上禮成太學。而西戎羅卜藏丹金阿拉布坦之屬。相次

削平。捷書數日之間踵至。此誠惟德動天。無遠

弗屆之明應也。臣謹倣古為四言詩一章。拜手

稽首以獻。曰。

於皇

聖清。受茲景命。建國君民。教學尊

聖。我

皇登阼。二載之春。爰

詔大昕。大常是陳。迺涖於學。迺登於堂。迺鼓迺萬。迺裸迺將。迺進諸生。立於階下。論道橫經。聽無譁者。既講而退。

諭以化源。黜浮教實。疊疊醇醇。念昔先儒。六經羽翼。祀典無文。咸秩無忒。載祠其先。載爵其子。祠有

崇聖。爵以博士。旣旣諸生。孔庶孔繁。斂厥才藝。進其德言。斂之進之。惟其以之。藹藹吉人。惟其使之。人旣庸止。風俗成止。先哲崇止。大道行止。西被東漸。朔南暨訖。日下大蒙。空桐丹穴。幅員萬里。

感化一心。奔走偕來。納贄獻琛。爰有西戎。未卽
于敘。負其遐險。敢于予距。卽臣將威。敗之漠北。
絕塞而還。以捷音告。捷音來告。文命正敷。文命
正敷。如鼓與桴。小臣作頌。上擬有周。億萬千年。
對揚

皇猷。

詩

帥念祖

水派宗星海。山源起岱陽。新傳恢

聖緒。道脈付

皇王建極君師統。天懸日月光。車書齊向服。禮樂燦冠裳。六合資陶鑄。羣猷入紀綱。厚生旋正德。立教首陳常。治象符乾運。文芒炯震方。記年維析木。吉朔屬青章。

宸慮勤興學。鸞旗泣上庠。雲霞澄碧沼。檜柏蔭宮牆。律暖簫韶曲。班聯鵷鷺行。

至尊虔釋菜。百辟肅承筐。敬致通深契。心凝結異芳。螭頭蟠螭趾。

龍袞拜輝煌。厯厯槐陰砌。峩峩虎觀堂。柳風環館舍。花

兩潤縹緗。誦習猶鄒魯。樽彝溯夏商。司成邀華輅。多士效趨跲。

黼座瞻華蓋。長垣耿玉牀。筵開東壁府。坐映紫薇郎。蕙帳披牙軸。芸編啓繡囊。明新該本末。精一晰微茫。大義宣鐘鼓。圓橋喜覲揚。金盤分

御果。瑤醖沃仙漿。湛湛春膏被。霏霏

帝澤香。儒林才益茂。蕊榜氣彌昌。美器呈圭璧。殊資逞棟梁。祥麟遊廣藪。鳴鳳在高岡。雅頌敷詞藻。勲庸著廟廊。小臣逢

盛典。珥筆繼賡颺。

詩

尹繼善

帝業文明盛。

皇猷德教先。崇儒

恩正渥。釋菜典尤虔。道接尼山統。心符泗水傳。瑤函呈

瑞彩。石鼓篆祥煙。柏老明霞麗。松蚪積翠妍。

一人昭對越。百兩列班聯。肅穆陳圭瓚。趨蹌執豆籩。雷

舞橫几上。玉磬振堂前。聖智分條理。中和按節

宣。馨香通泰格。敬謹仰周旋。式重尊師禮。

躬親御講筵。明新經學旨。精一禹謨篇。觀聽環橋立。敷

陳綴席連。三公同指笏。多士竝隨肩。虞典申功

敘。箕疇化黨偏。

聖衷誠蕩蕩。

王道自平平。辰極光雲漢。奎星燭斗躔。九歌存亮采。四

術早興賢。

訓諭咸遵守。詩書足細研。層階齊錦座。香茗間龍涎。俊

乂榮施徧。邦家景福延。裁成欣遇泰。保合快乘

乾。

盛世常升秀。微臣實備員。薰陶依舜日。樂育戴堯天。
人。被春風煖。花因澍雨鮮。昇平無以報。繁祉祝
年年。

頌謹序

方苞

臣聞天佑下民。作之君。作之師。二帝三王。所以
陰陽下民。而使各得其恆性者。以能兼立乎君
師之極也。虞廷教胄。直溫寬栗。帝親命之。在周
文武之興。辟雍鐘鼓。竝見於雅歌。詩人推原以
為東西南北。無思不服。實由於此。記曰。天子視

學。大昕鼓徵興秩節。以事先師。而春秋簡不率教者。亦親蒞焉。蓋以至尊而盡禮於先師。所以見尊德樂道之誠。以一士之不帥教。而天子乃親聽之。所以使震動恪恭而不敢苟以自棄也。

我

皇上蒞政之初。卽

詔崇

至聖先師祖考。五世竝加王爵。茲以三月朔日。

躬臨太學。特諭大小諸司。凡公牒祝詞。竝稱詣學。不得

言幸。大哉。

綸音。誠前古所未有也。釋菜禮成。乃

御經筵。宣

恩旨。越日復頒

聖訓。誨誘諄諄。庶官庶士。罔不鼓勵。且竊惟天道至教。
聖人至德。我

皇上至誠至敬。凡郊廟典祀。必躬親薦饗。終日乾乾。皆
所以教羣士。使知持身守道之則也。

躬秉庶政。宵旰不遑。日昃餘閒。猶披文史。皆所以教羣

士使知治業赴功之準也。激濁揚清。閑邪褒正。使有司絕苞苴之徑。諸生杜干謁之私。又所以教羣士。使出入於太學者。必思無愧於孔子之門牆也。蓋我

皇上常以身教。而董之以實政。誠兼盡乎作君作師之道。而揆之重華之教胄。文武之作人。有若合符契者。豈特

躬親臨祀。合樂稽經。為臨雍盛典歟。臣昧學少文。不足以敷揚闕休。然葵藿之微。不能不向太陽而傾。

心者。物性之自然也。敬撰頌言。用附於巷舞衢歌之末云爾。其辭曰。

惟天牖民。建極有常。作君與師。人紀是張。煌煌辟雍。四方之綱。

天子照臨。人文其昌。五帝建德。成均是崇。三代之化。於論鼓鐘。我

皇敬學。表正自躬。先聖後聖。其揆則同。九有乂安。萬官承則。政教既行。典文可式。率民以耕。南郊之藉。範士以禮。澤宮是卽。優崇

先聖王及高曾。視學曰誥。義以正名。乃

親釋菜。典禮攸行。乃布經筵。大義是宏。明新共貫。治平

馴致。聖有微言。

皇成至治。精一執中。心傳無二。

皇實操此。以制萬事。禮樂政刑。罔非至教。况睹

天顏。近光有耀。宏獎儒先。是崇是報。廣開賢路。是來是

勞。宮懸具奏。雅聲洋洋。我

皇端拱。顙顙叩叩。三階肅肅。圓橋蹒蹒。被此休烈。羣思

奮揚。干羽之舞。苗頑效誠。在泮獻馘。淮夷是懲。

文德誕敷。武威益行。開我明堂。四荒來庭。

詩經序

汪由敦

皇帝親詣太學。釋奠於

先師。殷禮肇稱。先期致戒。厥明行事。登拜奠獻。嚴敬有加。翟籥笙鏞。既和且備。乃

御彝倫之堂。正坐進講。扈從大臣。稽首

賜坐。諸生環拱而聽。宣揚

聖訓。大溥

德施。翼辰復頌

上諭一章。懸揭中庭。勉諭諄至。洋洋焉濟濟焉。曠世之盛典也。洪惟我

國家文明之運。景燦無疆。

列聖開基。右文稽古。

聖祖仁皇帝。壽考作人。超軼百代。

皇上握符建極。適當重熙累洽之時。樂育賢才。振興儒術。

御門之始。首沛

德音。尊崇

先師。加封五代王爵。茲者涓期視學。復

敕臣工勿稱臨幸。所以致敬於

先師者至隆。講筵甫竣。卽

命廷臣集議先賢從祀之典。子孫增置博士。所以加禮
於儒先者至優。元年

特開鄉會恩科。至是復增國子生解額十八名。復五經
試額。廣學官弟子員。所以教勵人才。嘉惠士子
者。至深且厚。大小臣庶。親被

道德之光華。懽忭鼓舞。僉拜手言曰。

皇上下德純孝。躬聖人之行。以啓牖斯民。舉凡興道致治。立政用人。無一不本於聖人之道。而於教化本源。尤加意焉。唐虞三代之隆。復見

今日。史冊所傳。建武中元之世。方領矩步。委蛇三雍。冠帶搢紳。圖橋億萬者。抑云未矣。臣以太學諸生。幸與觀聽。不揣固陋。謹依古體。作頌十有二章。章八句。恭紀

盛事。進呈

御覽。臣曷任踴躍忭舞之至。詩曰。

皇矣

聖皇。丕承景命。黎民時雍。萬邦表正。

世德作求。緝熙執競。建元凝道。以

聖契

聖。一章

仰惟

先師。至教斯溥。日月同明。天地同古。遐溯靈源。曰高

曾祖。晉封肇祀。曠典具舉。二章

煌煌辟雍。王化之基。

神聖首出。作君作師。爰咨禮臣。爰秩禮儀。爰飾丹雘。宮

牆禕而。三章

維莫之春。月吉辰良。和鸞鏘鏘。太常央央。大昕
鼓衆。集於虞庠。

天子穆穆。芹藻有芳。四章

黼座載升。戟門載啓。胄子僉僉。多士濟濟。旅進於庭。肅
展其禮。有睟

天顏。嘉樂豈弟。五章

咨爾儒臣。肅事法筵。笙簧六藝。羽翼羣賢。道源聖海。義

蘊敷宣。陋彼東觀。訓詁是研。六章

洋洋

聖謨。詔爾多士。希聖希賢。自孝弟始。毋華其言。而棄厥

美。如津有梁。如塗有軌。七章

惟

聖作則。以身立教。惟士克敏。幼學向道。以率蒸民。是則

是傲。修厥天彝。順彼先覺。八章

繫惟

列祖。仁漸義摩。我

皇紹休。德洽太和。麟遊郊阪。鳳嘯卷阿。惟元與凱。疇足

云多。九章

肆惟元祀。英賢彙升。媚於

天子。霞蔚雲蒸。俊乂飭職。棄瑕錄能。惟

帝時舉。郁郁其興。十章

敦崇四術。慎徽五典。懿彼賢關。倡於首善。文命

覃敷。

皇猷載闢。

盛治彌隆。教澤彌遠。十一章

鬱鬱泮林。青青子衿。承風仰化。懷之好音。

帝德廣運。春盎淵深。萬年

景祚。伊始自今。十二章